

## **Йўл-транспорт ҳодисаларини таҳлил қилишнинг асосий вазифалари ва усуллари.**

**Т.ф.н. доцент Худайбердиев А., магистрант Мадиев Ф.М., Бобоев Г.Б.  
(СамДАҚИ)**

Ҳаракат хавфсизлигини ташкил этиш учун аниқ тадбирлар белгилашда асосий таянч кўрсатма сифатида ЙТҲни ҳар тарафлама чуқур объектив таҳлил қилиш натижаларидан олинган хulosалардан фойдаланилади.

ЙТҲ қуйидаги вазифаларни ҳал қилиш мақсадида таҳлил қилинади:

- ҳаракат хавфсизлигига тааллуқли «Автомобил-ҳайдовчи-йўл-пиёдамухит» тизимиға киравчи ҳар бир омилнинг фаолиятига тегишли тадбир ва чоралар ишлаб чиқиш учун;

- бирон-бир бошқарув ҳудудидаги, вазирликлардаги ва уларнинг корхоналаридаги фалокатлар аҳволини, ўзгариш моҳиятини ҳамда истиқболдаги ўзгаришини башорат қилиш мақсадида;

- ЙТҲнинг келиб чиқиш сабабларини ва уларни бартараф қилиш борасида тузиладиган кўрсатмаларни ишлаб чиқиш учун;

- ЙТҲ кўп қайтариладиган йўл бўлакларини аниқлаш мақсадида;

- битта ёки бир нечта бир хил ЙТҲнинг вужудга келиш сабабларини аниқлаш учун;

- ЙТҲни таҳлил қилиш учун универсал дастур тузиш мақсадида.

Мақсад ва вазифаларига қараб ЙТҲни таҳлил қилишнинг микдорий, сифат ва топографик усуллари мавжуд. ЙТҲни микдорий усул билан таҳлил қилишда ҳалокатларнинг абсолют, нисбий ва солиштирма кўрсаткичлари ўрганилади. [19]

Ҳалокатларнинг абсолют кўрсаткичларига қуйидагилар мисол бўлади: ЙТҲнинг умумий (йиллик, ойлик, чораклик) сони; ЙТҲда жароҳат олганлар (ҳалок бўлганлар) сони; жароҳат олганларнинг ёки ҳалок бўлганларнинг ёшига, касбига қараб ЙТҲдаги сони; ҳайдовчиларнинг айби билан ўлганлар, жароҳат олганлар сони; автомобил ёки улар ҳолатининг носозлиги билан бўлган ЙТҲ сони ва ҳ.к.

Нисбий ҳалокатлилик кўрсаткичлари. Нисбий ҳалокатлилик кўрсаткичларини ҳисоблашда битта абсолют кўрсаткич бошқа абсолют кўрсаткичга нисбатан олинади. Бунда нисбий кўрсаткични умумий кўринишда қуйидаги формула орқали ҳисоблаш мумкин:

$$O = KA / B \quad (1.1)$$

бу ерда:  $O$  - нисбий кўрсаткич;  $A / B$  - бирон-бир абсолют кўрсаткичлар;

$K$  - масштабли коэффициент.

Масалан:  $A$  - ЙТҲ сони,  $B$  - транспорт воситалари сони бўлса ва  $K = 10^4$  олинса, бунда жуда кўп ишлатиладиган нисбий кўрсаткич ЙТҲ сонининг 10 минг транспорт воситасига тўғри келадиган ҳисоби келиб чиқади. Худди шунингдек, 10 минг аҳоли сонига ва бошқа ҳисоблар олиниши мумкин.

Йўл шароитларини ҳисобга олишда қўпинча нисбий ҳалокатлилик коэффициентидан фойдаланилади.

Узун бир хил геометрик элементга эга йўл бўлакларини ҳисоблашда ЙТҲ сонини 1 миллион автомобил-километрга нисбати билан ўлчаниши қабул қилиниб, нисбий ҳалокатлилик коэффициенти қуидаги формула билан аниқланади:

$$N = \frac{10^6 Z}{365LN} ; \quad (1.2) \quad \text{ЙТҲ сони/млн.авт.км.}$$


бу ерда:  $Z$  - бир йиллик ҳалокатлар сони;  $N$  - бир суткадаги ўртача йиллик ҳаракат миқдори, авт/сутка;  $L$  - йўл узунлиги, км.

Жуда қисқа масофада (кўприк, йўл ўтказгич, чорраҳа ва ҳ.к.) йўл шароити билан фарқланадиган бўлакларда нисбий ҳалокатлилик коэффициенти одатда қуидаги формула бўйича аниқланади:

$$N = \frac{10^6 Z}{365N} ; \quad (3.3) \quad \text{ЙТҲ сони/млн.авт.}$$

Солиширма ҳалокатлилик кўрсаткичи. ЙТҲ бирон-бир абсолют кўрсаткичидан бошқа ЙТҲ қанча қисмини ташкил қилиши тушунилади ва одатда фоиз кўрсаткичидан келтирилади. Масалан, жами ЙТҲ сонидан тўнталиши (тўқнашиш, пиёдаларни босиб кетиш ёки ЙТҲ ҳалок бўлганлар, жароҳат кўрганлар ва ҳ.к.) неча фоизни ташкил қиласи.

Ўзбекистон автомобил йўлларида ЙТҲнинг солиширма авариялик кўрсаткичига яққол мисол қилиб 2016 йилда жами ЙТҲни 9,7 % пиёдалар айби билан бўлганлигини айтиш жоиз.



1-расм. Йўл-транспорт ҳодисаларининг хафта кунлари бўйича ўзгариш гистограммаси

ЙТҲни таҳлил қилишининг сифат усули ҳодисаларнинг нима сабабдан вужудга келганини аниқлашга қаратилади. Бу усул билан йўл ҳаракатини ташкил этувчилик «Автомобил-ҳайдовчи-йўл-пиёда-муҳит» тизимидағи элементларнинг

қайси бирининг айби билан ёки биргалиқдаги таъсири натижасида вужудга келган ЙТҲни таҳлил қилиш одат тусига кирган. Масалан, автомобил йўлининг маълум чорраҳа бўллагида йўл шароитига боғлиқ равища ЙТҲ вужудга келиши, унда пиёдаларнинг ўрни ёки маълум ёшдаги ҳайдовчилар содир этадиган ЙТҲ тури, вақти ва ҳ.к.

Йўл-транспорт ҳодисаларининг вужудга келиш жойларини аниқ кўрсатиш учун топографик усулдан фойдаланилади. Ҳозирда асосан уч турдаги топографик таҳлил ўтказилади: харитада, чизиқли графикда (йўл-кўча бўйича) ва масштабли схемада.

Шаҳар, туман ёки вилоятнинг масштабли харитасида бир ёки бир неча йиллар ичida содир этилган ЙТҲни кўча-йўл, майдонларда аниқ жойларини шартли белгилар ёрдамида кўрсатилади. Бундай ЙТҲ харитаси ёрдамида ЙТҲни кўп бўладиган жойи, тури, вақти ва ҳоказолар аниқланиб, уларни таҳлил қилиш натижаларига таянган ҳолда ҳаракат хавфсизлигини ошириш борасида аниқ тадбирлар белгиланади.

ЙТҲнинг чизиқли графиги кўча ва йўлнинг бутун узунаси бўйича ёки маълум бўллаги учун харитага нисбатан катта масштабларда ЙТҲни жойлашни кўрсатади. Масштаб катта бўлганлиги сабабли ЙТҲ йўлнинг қандай элементларининг камчилиги билан содир бўлганлигини ёки бошқа сабабларни аниқ топишда бу усул ижобий натижалар беради.

ЙТҲнинг масштабли схемасида йўл чорраҳасини, темир йўл кесишини ёки бошқа йўл бўллагида бўлган ЙТҲни катта масштабларда барча йўл қатнашчиларини (транспорт воситасини, пиёдани) схематик равища жойлаштирилиб кўрсатилади. Схемани таҳлил қилиш натижасида ЙТҲ нима сабабдан вужудга келгани ва ҳар бир иштирокчининг ҳодисанинг олдини олиш бўйича имкониятлари қай даражада эканлиги аниқланади. Бу схемада транспорт воситалари ва пиёдаларнинг ҳаракатланиш траекториялари кўрсатилиб, кейинчалик ҳодиса рўй берган жойдаги йўл шароитини ёки ҳаракатни ташкил этиш бўйича ўзгартириш таклифлари ишлаб чиқилади.

### **Фойдаланилган адабиётлар**

1. Ўзбекистон автомобил-йўл комплексининг долзарб вазифалари" Республика илмий-амалий анжуман материаллари тўплами. Тошкент, ТАЙИ. I-қисм, 2008 й., - 440 б.
2. Менделеев Г.А. "Транспорт в планировке городов". М.Транспорт. 2005г. 244с.
3. Қ.Х.Азизов «Организация и безопасность дорожного движения в крупных городах ». Санкт-Петербург 2012г